

30 Loetse 2021 – Lekgetho la Boleng bo Ekeditsweng (VAT) le keteka letsatsi la tswalo la mashome a mararo (30)

Tshwane, 30 Loetse 2021 – Dilemo tse mashome a mararo kajeno, Molao wa Lekgetho la Boleng bo Ekeditsweng (VAT) o qadile ho sebetsa ka 1991. Lekgetho la Boleng bo Ekeditsweng (VAT) le ne le reretswe ho tla sebetsa hantle le ho feta la lekgetho le mabapi le mejo le ho nka sebaka sa lekgetho la kakaretso la dithekiso le neng le kgethiswa tlasa Molao wa Lekgetho la Dithekiso, wa 1978. Ho latela ho qala ha lekgetho lena mane France ka 1954, ke dinaha tse fetang 160 ho phatlalla le lefatshe tseo ha jwale di sebedisang mokgwatshebetso wa VAT (eo hape o bitswang Lekgetho la Dithoto le Ditshebeletso) mme sena se baka hore lekgetho lena e be le holang ka potlako e kgolo matjhabeng.

Tse ding tsa dintlha tse bakileng hore ho fetohelwe ho VAT mona Afrika Borwa ke tsena:

- Motheo o batsi le ho se be le leeme ka lebaka la bokgoni ba ho lefisa lethathama le batsi la ditshebeletso lekgetho.
- Ho phethahatswa ha lekgetho la dithekiso hodima dihlahiswa tsa kgwebo ho ile ha baka hore ho be le lekgetho le amang tsohle (kapa lekgetho hodima lekgetho), haholoholo di-indastering tse sebedisang tsa ditjhelete haholo mme sena sa baka hore ditheko tsa thomelontle di be hodimo ha di bapiswa le tsa dinaha tse sebetsang ka VAT.
- Ditifikeiti tsa ho se angwe ke lekgetho la dithekiso di ne di sebediswa ho dumella ditheko tse sa lefelloweng lekgetho hodima dithoto tse tlang ho sebediswa ke dikgwebo mme sena se ile sa sebediswa hampe ke ba bangata, haholoholo ka lebaka la mokgwatshebetso o neng o fokola wa oditi ka nako eo.

VAT e itshupile e le mohlodi o tsitsitseng le o tshepahalang wa pokello ya lekgetho oo ho fihlela jwale seng o hlahisitse tjhelete e kana ka R4.4trillion haesale hore o qale ho sebetsa ho fihlela hona jwale ka la 31 Phato 2021.

SARS e leboha barekisi ba VAT bao boikobelo ba bona bo thusitseng hore VAT e atlehe mona Afrika Borwa mme sena se tshhetsa boitelo ba rona bo kgontshang mmuso ho aha puso e nang

le bokgoni, ya demokrasi le e kgothaletsang kgolo ya ikonomi mmoho le ntshetsopele ya setjhaba molemong wa Maafrikaborwa kaofela.

Ho fumana lesedi le fetang lena, ikopanye le SarsMedia@sars.gov.za